

御纂

醫宗金鑑

御纂醫宗金鑑首卷

照管醫書館事務和碩和親王臣弘書

勅纂修醫書今已告成謹奉

表恭

進者伏以

帝德播生成易簡協陰陽之撰

聖仁大胞與中和闡位育之功

欽冀福以敷民統寒燠雨暘而厘念

辨禹圖而正位合剛柔燥濕以咸宜體好生之



南京中医药大学图书馆版权所有

心以爲心五辰順布本博濟之學以爲學
氣均調蕩蕩難名溥海蘊恬熙之化巍
並普天蒙樂利之休臣等誠惶誠恐稽
首上言竊惟醫書肇自靈素方藥著於漢唐
倉扁以前禁方每多不傳之秘宋元而後著
述皆屬補救之文乃法立理明往哲示回機
之妙而執方廢法後世鮮淹貫之儒非有明
鏡以燭其源流萬物何以盡歸仁壽必比玉
策以通其表裏臣等言乃能得所會歸欽惟



南京中醫藥大學圖書館版權所有

皇帝陛下

道接羲軒

業隆參贊

沛膏雨於山隴海涇韜屋春生

扇仁風於雲牖松扉瑤階日麗旣已登斯民於

衽席更欲進斯世於吉康

念天時之寒暑不齊人事之癘興難節將正醫門

之旨以昭憂養之方爰發一

宮府藏書編集古今典籍



特命臣等纂修既往以詔將來誠億萬年未遇

鴻恩千百世難逢之

曠典臣等因診未諸五味粗分間

命自

天悚惶無地慎選醫員細陳綱目焚膏繼晷不辭
午夜丹鉛分校合叅務竭一心研悅飲蔗漿
以解熱旁搜摩詰之詩進昌陽以引年遠證
昌黎之說理求精當不尚奇袤詞謝浮華性
期平易證詳表裏陰陽虛實寒熱方接君臣



佐使性味功能酌古以準今芟繁而摘要

凡九十卷類分十一科恭輯書成敬呈

御覽經

宸衷之鑑定彌覺義理精深蒙

聖主之披陳益見微文燦著

欽定嘉名醫宗金鑑

赤文綠字誠哉壽世鴻編

雲笈瑤函允矣仁民妙術懸之九市不妨家遇

越人寶之千秋正使代生岐伯實乃萬方之



慶誰云一家之言伏願

澤永春臺

恩覃夏甸

修善政於六府水火金木土穀大德常流

培元化於一心知仁聖義中和神功默運將見

陽回天上人歌舜日之舒長瑞溢寰中世戴

堯天之廣大矣臣等無任瞻

天仰

聖激切屏營之至謹奉



表恭

進以

開

乾隆七年十二月十五日



太醫院院使加光祿寺卿銜臣錢斗保等謹

奏為欽奉

上諭事乾隆四年十一月十七日右院判臣

御醫臣吳謙

奉

上諭爾等衙門該修醫書以正醫學欽此臣等聞

命之下曷勝惶懼欣躍醫道廢弛師範不立久矣

皆因醫書駁雜人不知宗今我

皇上聖慈仁心視民如子欲其同登壽域德意之

奏疏



北京中医药大学图书馆

厚與天無極此乃萬世壽民公事隨會同院

使臣錢斗保左院判

臣

陳止敬御醫

臣

劉

鐸合詞恭

謝

天恩

臣

等竊聞上古之醫通天之紀察地之理調

其運和其化使上下合德皆神聖爲之其道

大也如此周時以冢宰領其職上保

聖躬下全民命其任重也如此至漢而降醫八方

技然習之者猶非常人淳于意張機之屬治



後視醫甚輕習之者僅爲一已衣食計並
存心濟世自好之士恥與同儔是以良醫
乏其道日衰其術失傳今惟我

皇上仰體

聖祖仁皇帝

世宗憲皇帝聖心未就下頒修醫書之

旨臣等思維醫雖小道實天下蒼生性命所關非諸

末藝之可比也考醫之書天元玉冊本草靈

樞素問三經始自伏羲氏神農氏軒轅黃帝



與臣岐伯等所作也殷時伊尹著湯液本草
戰國時扁鵲著難經後漢時張機著傷寒論
其書世遠詞奧難明且多編次傳寫錯謬
晉而下至今醫書甚夥不能枚舉雖諸大家
多所發明然亦各自成家或博而不精或雜
而不一間有自相牴牾反足惑人者皆當改
正註釋分別諸家是非先自張機書起蓋以
前之書皆有法無方傷寒論金匱要畧雜病
論創立方法格式始有法有方誠醫宗之正

派啟萬世之法程實醫門之聖書也故先收
正錯譌註釋以利天下時用臣等請將
大內所有醫書發出再

命下京省除書坊現行醫書外有舊醫書無板者

新醫書未刻者並家藏秘書及世傳經驗良
方著地方官婉諭購買或借抄錄或本人願
自獻者集送太醫院

命官纂修上自三皇以至我

朝分門聚類刪其駁雜採其精粹發其餘蘊補



其未備成書二部其小而約者以便初學誦讀其大而博者以便學成參考使爲師者必由是而教爲弟子者必由是而學則醫明壽民於萬萬世矣其纂修照何館例書成如何頒給之處仰候

欽定謹此

奏

聞乾隆四年十二月初二日

奏奉



旨著大學士鄂爾泰酌議具奏其應纂修事
并著總管考核欽此



卷一
論脈
論經
論氣
論血
論痰
論火
論風
論濕
論燥
論寒
論暑
論疔
論瘡
論癰
論疽
論疔
論瘡
論癰
論疽



太保議政大臣大學士三等伯總管醫官館事務臣鄂爾泰
奏爲遵

旨酌議事太醫院院使錢斗保等爲欽奉

上諭纂修醫書等因一摺奉

旨著大學士鄂爾泰酌議具奏其一應纂修事宜
并著總管考核欽此臣查修書各館舊例所用
纂修官提調官收掌官及考取膳錄生監以
及供事紙匠俱酌量人數足用多寡不等請

旨遵行在案今蒙

